

بِسْمِ اللَّهِ الرَّحْمَنِ الرَّحِيمِ

Khutba Jummah

HADHRAT KHALIFATULLAH

Munir Ahmad Azim

06 Février 2015 ~
(15 Rabi'ul Aakhir 1436 Hijri)

(Résumé Khutba)

Après ki li fine saluer tous so bane disciples (et tous bane musulmans) entier le monde par la salutation de paix en Islam, Hazrat Khalifatullah (atba) fine commence so Khutba Jummah comme d'habitude avec Tashahhud, Ta'uz, Surah Al Fatiha, et avant li vine lors sujet de so Khutba li fine lire sa verset Quran là :

وَإِنْ مِنْ أُمَّةٍ إِلَّا خَلَا فِيهَا نَذِيرٌ

Wa 'immin 'ummatin 'illaa khalaa fiihaa naziir.

“Pas ena ene communauté ki ene avertisseur pas fine passe parmi li.” (Fatir 35: 25)

Tous bane communautés/nations/peuples fine recevoir la révélation. Ena ene question important ki ena relation avec l'Être d'Allah et l'homme et aussi tout saki existé entre dimoune et dimoune. En d'autres mots, la question c'est : ki bane nations ki fine recevoir révélation et lors ki principes Allah fine choisir zot pour recevoir So révélation? Sans la solution à sa question là, la réforme ki le Messie Promis fine rode fer, par rapport à d'autres questions ki relatif à l'être d'Allah, pas ti pou complète. En saki concerne sa question là, li fine mette l'emphase ki, le fait ki Allah Li le Maître de l'univers entier, alors So guidance li pas seulement pour ene nation en particulier. En tant ki Maître pour toute l'humanité, et le fait ki Li fine accorde tous bane dimoune avec bane faculté pou réfléchi, alors Li pas pou capave prive ene nation de So bane conseils, de So guidance. Pareil couma mo fine récité au commencement de mo Khutba : **« Pas ena ene communauté ki ene avertisseur pas fine passe parmi li. »** (Fatir 35: 25)

Allah fine envoie So bane messagers dans tous bane nations et dans tous l'époques, et pareil couma soleil illumine le monde entier, la lumière de la révélation fine depuis toujours éclaire bane coins ki pli sombres de la terre. Si aujourd'hui nous pas pé trouve la lumière de la révélation dans ene peuple en particulier, sa pas veut dire ki pas fine ena bane prophètes ki fine appaite parmi zot, mais la vérité c'est ki sa bane peuples là fine laisse zot bane traditions

nationales et zot la foi teigne. Quand mette sa doctrine là en application, alors sa définitivement témoigne de la véracité de Krishna, Ram et Bouddha, bane prophètes de l'Inde, et tous bane prophètes, et bane les autres messagers et réformateurs d'Allah le Tout-Puissant, et si nous rejette zot bane revendications, alors dans ene sens, li pareil couma rénonce à bane faveurs universelles d'Allah. Ki faire nous bizin accepter certains et rejette les autres ? Ki faire pas accepter zot tous comme étant de source divine ? C'est ene doctrine ki pas ti bizin trouve parmi bane l'enseignements de n'importe ki secte ou religion, et, en fait, la majorité de bane dimounes croire ki la révélation fine arrêter seulement avec bane fondateurs de zot la religions respectifs, et même bane ki fine croire ki la révélation fine révélé à bane dimounes de bane les autres religions, fine fer sa seulement plisse comme ene sorte d'hommage personnel à bane fondateurs de sa bane réligions là – à cause de bane services ki sa bane la religions là fine fer pour la cause de l'humanité – ki à cause zot fine accepter doctrine de bane faveurs universelle de Dieu. Zot ena respect mais pas la foi dans sa bane prophètes ki vine d'Allah là ; zot respecter sa bane la religions ki sa bane prophètes là fine amené mais zot pas vraiment croire là-dans.

Mais le Messie Promis fine démontré dépi Quran ki non seulement sa bane z'hommes là ti bane serviteurs vertueux d'Allah ki zot bane services pour l'humanité fine enregistré dans l'histoire, mais ki bane attributs et paroles d'Allah aussi porte témoignage du fait ki sak nation – sipa so bane traditions fine conservé ou non – fine gagne so prophète, et ki c'était le droit de l'humanité pou recevoir bane conseils à travers bane prophètes et ki sa droit là, zamais Allah fine ignoré. L'étendu ki sa doctrine là fine ouvert à tous bane nations bane la portes de l'Amour d'Allah, fine place la relation interne de l'humanité lors ene base de concorde et d'amitié, et fine garde à l'abri bane fondateurs et bane dimounes justes de tous bane la religions contre bane insultes et mauvais traitements.

Alors réfléchi à la chance ki l'Islam ena ki li fine recevoir ene tel prophète ki so l'essence même de so être fine proclamé ki li fine être révélé et mette en pratique en tant ki ene religion et mode de vie pour toute l'humanité et li fine honore tous bane prophètes précédents ainsi ki bane futures prophètes ki l'essence nette entier bizin forme partie complètement de l'Islam et de Muhammad (saws), le sceau de tous bane prophètes, le plus digne et le plus sacré de parmi tous bane prophètes!

Le Messie Promis Mirza Ghulam Ahmad (as) fine vini pou montrer la beauté de l'Islam et de relation merveilleux ki lié li à Allah et au Saint Prophète Muhammad (saws), parski sans sa relation extraordinaire là, alors le Messie Promis zamais pas ti pou capave prétende ki li ene prophète. Aucaine prophète indépendant pas pou vini ki pou change bane la lois Quran et pou présente ene l'autre livre de loi divine. Péna aucaine prophète ki pou vini ki pou aussi grand et majestueux et parfait ki le Saint Prophète Muhammad (saws). Mais c'est ene vérité incontestable ki pou ena bane prophètes ki pou vini ki pou tellement perdi zot complètement dans l'amour d'Allah et le Saint Prophète Muhammad (saws) ki zot pou vine bane reflé parfait de sa meilleur homme et prophète d'Allah (saws) là. Sa bane ti Muhammads là pou bane flambeaux de lumière dans l'obscurité de la fin des temps pour ramène bane dimounes de tous bane religions, y compris bane musulmans dans godi de l'Islam, dans godi de sa vrai la foi avec quoi zot ti né là.

En effet, le Messie Promis Hazrat Mirza Ghulam Ahmad (as) fine dire dans so livre « *Ek Ghalati Ka Izala* » - Ene l'Idée Fausse ki fine Enlevé:

« En bref, le terme *Khatam-An-Nabiyyine* (Sceau des Prophètes) c'est le sceau divin imprimé lors l'apostola du Saint Prophète et **li impossible ki sa sceau là cassé. Toutefois, li possible pour le Saint Prophète pour révine lors sa la terre là non pas ene fois ou deux mais des centaines de fois dans la forme d'ene (Bourouz) dimoune ki pou réflète complètement tous so bane vertus et ki pou vine so double ou so z'image spirituelle, c'est-à-dire, ene prophète d'Allah.** Sa rang de double (Bourouz) du Saint Prophète là li accordé par Allah, pareil couma Li mentionné dans le verset:

وَأَخْرَيْنَ مِنْهُمْ لَمَّا يَلْحَقُوا بِهِمْ

Wa 'aakhariina minhum lamma yal-haquu bihim

Et parmi bane les autres (peuples de bane derniers temps) aussi, à part sa bane là ki pas encore joine zot. (Al-Jumu'ah 62: 4) »

Allah fine envoie bane prophètes, bane messagers, bane messies et bane réformateurs dans le passé à tous bane nations. Maintenant, eski li prudent pou dire ki Allah fine arrête causer et ki Li népli pou envoie bane prophètes et réformateurs à bane nouveau générations de bane dimounes ki habite (et pou habite) sa le monde là ? Si zot pas recevoir ene Avertisseur, ene Messenger de Dieu pour avertir zot, eski alors nous capave blâme zot pour zot bane l'égarement ? En effet, Allah zamais injuste envers So bane créatures! Ziska sa jour là vini kot pas pou reste aucaine humain lors la terre, alors bane prophètes pou contigner vini pour averti bane dimounes de zot bane actions, et pou ramène zot dans cercle de l'**Islam** – c'est-à-dire, soumission complète à Allah (twit). Là kot ena bane dimounes, bane nations, pou ena bane prophètes ki pou vini pou averti zot et donne zot la bonne nouvelle de l'amour et de la miséricorde d'Allah si zot réformé et accepté pou faire la volonté d'Allah lors la terre ziska zot dernier souffle lors sa la terre là, ene la caze ki bien temporaire pou zot.

Bane bénédictions d'Allah kan Li fine envoie so bien-aimé serviteur, le plus parfait, l'homme glorieux, le sceau de bane prophètes ; kan Allah fine envoie li lors la terre avec la religion et le mode de vie parfait, l'islam, sa c'est ene indication ki à partir de sa moment là, le monde fine ena ene modèle parfait pou suivre, ene telle l'exemple ki zot bizin suivre afin pou façonner zot l'existence lors so l'existence, et kot zot bizin copiyé li, et vine so *Buruz* (reflé) et *Zill* (l'ombrage). Beaucoup de bane réflé du Saint Prophète Muhammad (saws) pou vini dans l'avenir ki pou représente la gloire vivante de l'islam. Mais bane ki vraiment fortuné c'est bane ki Allah pour en effet purifié avant même ki zot vine lors la terre en feuzan de zot bane prophètes d'Allah et réformateurs de l'islam, bane tels prophètes ki pou porte le flambeau de l'islam et so véracité parmi bane dimounes de la terre, ene nation mondiale/globale. C'est en effet différence principale ki ena entre les nations passé et bane nations présents et futures. Bane nations du passé fine recevoir bane prophètes ki fine vini pou donner bon nouvelle de l'excellence et la

naissance du meilleur homme ki l'humanité pou recevoir, alors ki nous, la nation du présent, et aussi bane futures nations, chaque fois ki bane prophètes pou élevé parmi nous, alors nous pou ena pou sanctifié, pou rende hommage exceptionnelle à sa l'homme parfait là (*le Saint Prophète Hazrat Muhammad (saws)*) et rétablir so l'honneur kan so l'honneur bafoué par bane les autres dimounes. En vérité bane ki calomnié li et tous zot bane calomnies ki zot apporte de l'avant, tous sa là pas pou servi zot nannié face à la colère d'Allah, parski la colère 'Allah pou attrape zot, parski Allah sans aucun doute Li le Protecteur et Celui ki préserve l'honneur de So bane prophètes, arrive séki arrive.

Hazrat Mirza Ghulam Ahmad (as) fine aussi proclamé dans so livre « *Ek Ghalati ka Izala* »:

« *Le fait ki mo le Buruz (reflé) de Muhammad (saws) ki ti ordonné depuis l'éternité, alors mo fine recevoir le statut de prophète sous la forme de Buruz, et le monde entier pas pou capave fer nannié contre sa, parski l'apostola fine fine scellé par ene sceau. Ene Buruz de Muhammad (saws) ti destiné pou vini dans les derniers jours avec tous bane perfections de Muhammad (saws), et donc li fine vini. Maintenant, sa c'est sél la fenêtre à travers quoi dimounes pou capave qaqne de l'eau (spirituelle) de la source de l'apostola. »*

Hazrat Mirza Ghulam Ahmad (as) ti en effet ene telle *Buruz* et *Zill* du Sceau des Prophètes (saws) pour so l'époque, et même Allah comme couma Li fine promesse fine béni so Jamaat ki représente le cœur même de l'Islam kot c'est de là ki Allah pou élève bane les autres Muhammads et Ghulam Ahmads ki pou vini pou maintenir en vie l'honneur de sa bane serviteurs et messagers bénis d'Allah, sa bane tels dimounes (serviteurs d'Allah) ki représente la clé de la porte du salut, ki li dans sa le monde là et dans *Aakhérat*. C'est à cause de zot l'amour profond – et ki nous l'homme pas capave rénié sa – ki zot ena pour Allah, et sa lien extraordinaire ki bane prophètes d'Allah partager entre zot pour l'amour et le plaisir d'Allah. En effet l'amour de Hazrat Mirza Ghulam Ahmad (as) pour Allah et So prophète bien-aimé Muhammad (saws), le meilleur de l'humanité et de bane prophètes li en effet immense, sans limite.

Ki Allah contigne béni l'humanité avec So bane prophètes dévoués qui conserve l'**Islam** dans zot les cœurs afin pou guide bane nations perdues de demain. *Ameen, Summa Ameen.*